



# ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

**WESTERN PRELACY**

OF THE ARMENIAN APOSTOLIC CHURCH OF AMERICA

**H.E. ARCHBISHOP MOUSHEGH MARDIROSSIAN, PRELATE**

Tel: 818-248-7737/8, Fax: 818-248-7745

E-mail: [Prelacy@aol.com](mailto:Prelacy@aol.com) Website: [www.westernprelacy.org](http://www.westernprelacy.org)



## ԱՌԱՋՆՈՐԴ ՍՐԲԱԶԱՆԸ ԸՆԴՈՒՆԵԱՑ ԼԱ ՔՐԵՍԵՆԹԱՅԻ Հ.Յ.Դ. «ԶԱԼԱՐԵԱՆ» ԿՈՄԻՏԵԻ ԱՅՅԵԼՈՒԹԻՒՆԸ

Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան Երեքշաբթի, 23 Դեկտեմբերի երեկոյեան, Ազգային Առաջնորդարանին մէջ ընդունեց այցելութիւնը Լա Քրեսենթայի շրջանի Հ. Յ. Դ. «Զաւարեան» Կոմիտէի ներկայացուցիչ Տիար Խաչիկ Հաւարեանի եւ չորս անդամներու: Առաջնորդ Սրբազանին կողքին, ներկայ էին Ազգ. Վարչութեան ատենապետ Դոկտ. Կարօ Յակոբեան եւ անդամներ՝ Տեարք Սիեր Տէր Յովհաննէսեան եւ Տոբթ. Նաւասարդ Գազազեան:

Հանդիպումը ուներ քաղաքավարական բնոյթ: Հիւր ներկայացուցիչները Ազգ. Առաջնորդարան եկած էին փոխադարձ ծանօթացման, ինչպէս նաեւ տօնական օրերու առիթով բարեմաղթութիւններ փոխանցելու համար: Անոնք ընդհանուր գիծերու մէջ տեղեկութիւններ տուին Կոմիտէի ու գործակից միաւորներու ծրագիրներուն ու աշխատանքի դաշտերուն մասին, պատրաստակամութիւն յայտնելով սերտօրէն գործակցելու Ազգ. Առաջնորդարանին հետ, մանաւանդ, որ կը գործեն աշխարհագրական նոյն շրջանին մէջ:

Առաջնորդ Սրբազանը ողջունեց հիւր ներկայացուցիչները, որոշ տեղեկութիւններ տուաւ Ազգ. Առաջնորդարանի անմիջական աշխատանքներուն մասին, յիշեցնելով, որ երկու օր առաջ, տօնակատարուեցաւ Հիւսիսային Ամերիկայի Թեմի հաստատման 50րդ, ու մեր Թեմի ծառայական կեանքի 35րդ տարեդարձները: Ան գոհունակութիւն յայտնեց, որ Թեմական աշխատանքներու զարգացման մէջ կարելոր ներդրում ունին մեր կազմակերպութիւններն ու միութիւնները, վստահութիւն յայտնելով, որ գործակցութիւնը պիտի ընդարձակուի թեմական աշխատանքներու տարածումին հետ: Ան այս առիթով գոհունակութիւն յայտնեց, որ Նախապատրաստական աշխատանքներէ ետք, Ազգ. Առաջնորդարանը արդէն հասած է Նորթ Յովիվուտի մէջ ծխական Նոր համայնք մը հիմնելու հանգրուանին եւ թէ՛ առաջին Ս. Պատարագը պիտի մատուցուի Ս. Ծնունդի օրը:

Խորհրդակցութիւնը ընդգրկեց կազմակերպութեան, Ազգ. Առաջնորդարանին եւ յատկապէս Քրեսենթա Յովիտի Հայց. եկեղեցւոյ միջեւ գործակցութիւնը խորացնելու միջոցները: Կարելորութեամբ վեր առնուեցաւ երիտասարդութեան հոգեմտաւոր կարիքներուն գոհացում տալու պարագան, որուն համար եկեղեցւոյ, կազմակերպութեան ու միութեանց

միջեւ գործակցութիւնը կենսական է: Չնահատանք արձանագրուեցաւ Զրեսենթա Յովիտի եկեղեցւոյ ժողովականութեան նուիրեալ ծառայութիւններուն մասին, յոյս յայտնելով, որ ժողովուրդին զօրակցութեամբ, կարելի ըլլայ կառուցել սեփական եկեղեցի մը:

Հանդիպումի աւարտին, Առաջնորդ Սրբազանը յուշանուէրներ յանձնեց հիւր ներկայացուցիչներուն:

## **ARF ZAVARIAN GOMIDEH MEETS WITH THE PRELATE**

On the evening of Tuesday, December 23<sup>rd</sup>, H.E. Archbishop Moushegh Mardirossian, Prelate, welcomed to the Prelacy ARF Zavarian Gomideh representative Mr. Khatchig Havatian and members. Executive Council Chair Dr. Garo Agopian and members Mr. Meher Der Ohanessian and Dr. Navasart Kazazian were also at the meeting.

The guests had come to convey their will wishes to the Prelate on the eve of the New Year and Christmas and for a general discussion on their current endeavors.

The Prelate conveyed to the guests information about the undertakings of the Prelacy and specifically the 50<sup>th</sup> anniversary of the North American Prelacy and the 35<sup>th</sup> anniversary of the Western Prelacy which was celebrated just two days earlier. He expressed appreciation for the collaboration of our community organizations in the Prelacy's activities and his confidence that the cooperation will continue as the work of the Prelacy expands. The Prelate also announced the establishment of a new parish in North Hollywood where Divine Liturgy will be celebrated for the first time on the Feast of the Birth and Epiphany of Jesus Christ. The Prelate and guests also discussed the importance of collaboration between the church and organizations in the shaping of our youth. In discussing the Crescenta Valley parish, the Prelate commended the dedication of the parish members in advancing the church and expressed hope that the parish will have its own church in the near future.

The meeting concluded with the presentation of mementos by the Prelate.